



Aningaasaqarnermut Nunamullu Namminermut
Naalakkersuisoq

Ulloq: 30-06-2021
J.nr.: 01.31.06/21-00940

Aningaasaqarnermut Akileraartarnermullu Ataatsimiititaliap marlungornermi ulloq 29. juni 2021-mi aalajangenera pillugu Naalakkersuisunut ilisimatitsissut

Meeqqanut- inuusuttunullu suliassaqaqarfinni kommunit suliassanik suliarinnittarnerinut ikiuinerup sivitsorneqarnissaanut oqarasuaallu atorlugu siunnersuinerup patajaallisaavigineqarnissaanut ilassutitut aningaasaliissutissanik qinnuteqaat. Ataatsimiititaliap sulliaa nr. 01.31.06/21-00940

”Naalakkersuisut **inassutigaa**t

- Kontumi pingaarnermi 20.11.50-imi, Ingerlatsinermut sillimmatit, aningaasaliissutit 2021-imi 2,5 mio. kr.-inik appartinneqassasut
- Kontumi pingaarnermi 30.01.03-imi, Isumaginninneq pillugu pikkorissartitsisarnerit ilinniartitseqqittarnerillu, aningaasaliissutit 2021-imi 0,750 mio. kr.-inik appartinneqassasut
- Kontumi pingaarnermi 30.13.43-mi, Pissassarfik, aningaasaliissutit 2021-imi 0,750 mio. kr.-inik appartinneqassasut
- Kontumi pingaarnermi 30.10.49-mi, Sumiginnaasarneq akiorniarlugu isumaginninnikkut suliniutit, aningaasaliissutit 2021-imi 3,5 mio. kr.-inik qaffanneqassasut
- Kontumi pingaarnermi 30.01.02-mi, Pitsaaliuinermut Isumaginninnermullu Aqutsisoqarfik, 2021-imi aningaasaliissutit 0,5 mio. kr.-inik qaffanneqassasut
- ”

Aningaasaqarnermut Ataatsimiititaliap oqaaseqaatai

Inassuteqaatitigut anguniakkat tunngaviisigut tapersernartillugit ataatsimiititaliamit aallarniutigalugu oqaatigineqassaaq. Ataatsimiititaliarli inaarutaasumik aalajangiinnginnermini Naalakkersuisunit akissuteqarfigineqarnissai qinnutigisaminik arlalinnik apeqqutissaqarpoq:

Taamatuttaaq konto 30.01.03, 0,750 mio. Kr.-inik Naalakkersuisunit tigusiffiginiarneqartoq ataatsimiititaliamit maluginiarneqarpoq. Tamanna pillugu Naalakkersuisut ataatsimiititaliamit ima aperiumaneqarput:

1. Sooq kontumut tassunga aningasaliissutit tigusiffigineqarnissaasa inassutigineqarnissaa Naalakkersuisunit toqqarneqarpa?
 - 1.1. Allatut aningaasaliisoqarsinnaanera Naalakkersuisunit isumaliutigineqarsimava, matumani ingerlatsinermut sillimmatinit?

Konto 30.01.13, 0,750 mio. Kr.-inik Naalakkersuisunit tigusiffiginiarneqartoq ataatsimiititaliamit maluginiarneqarpoq. Tamanna pillugu Naalakkersuisut ataatsimiititaliamit ima aperiumaneqarput:

1. Sooq kontumut tassunga aningaasaliissutit ikilisinneqarnissaasa inassutigineqarnissaa Naalackersuisunit toqqarneqarsimava?
 - 1.1. Allatut aningaasaliisoqarsinnaanera Naalackersuisunit isumaliutigineqarsimava, matumani aamma ingerlatsinermut sillimmatinit?
2. Kontumut tassunga aningaasaliissutit ikilineqassappata Pissassarfimmik atuisunut kingunissat suuppat?

Ataatsimiititaliamit maluginiarneqarpoq kontumut 30.01.02-mut aningaasaliissutit Tusangap ilisimaneqarnerulernissaanut atugassanik 0,5 mio. Kr.-inik amerliniaraat. Saqqummiussisummi ataatsimiititaliamit atuarneqarsinnaavoq; ilisarisisimanagerulersitsiniaaneq “...pitsaanagerusumillu sullinniakkanut ukiukinnerusunut pilerinanagerulersarnisaanik siunertaqartoq. Tassunga atatillugu Naalackersuisut ataatsimiititaliamit ima aperiumaneqarput:

3. Tusaanngamik ilisarisisimanagerulersitsiniaaneq sunik imaqarpa, aningaasaliissutillu tassunga atatillugu sumut atorniarneqarpat?

Suliap matuma nukingiullugu suliarineqarnissaanik qinnuteqaatitalerlugu nassiunneqarsimanera ataatsimiititaliamit paasineqarpoq. Kontuni aningaasaliissutit aallaavimmikkut, Inatsisartut aningaasaqarnikkut pingaarnersiunerannut ersiutitut aningaasanut inatsisikkoortussaaniartarput. Tamanna pillugu ataatsimiititaliaq ima apeqqtissaqarpoq:

4. Sooq aningaasaliissut 2021-mut aningaasanut inatsisikkut siumut takorloorneqarsinnaasimangila?
 - 4.1. Aningaasaliissummik pisariaqartitsineq siumut takorloorneqarsinnaasimangippat, sooq taava ilassutitut aningaasaliissuteqarnissamut qinnuteqaat suliniutip pineqartup naammassinissaa sioqqullugu piffissaalluartillugu nassiunnagu, nukingiullugu suliarineqarnissaanik qinnuteqaatitalerlugu ataatsimiititaliamut nassiunneqarpa?

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliap qulaani apeqqtunut Naalackersuisunit akissutisinissani utaqqimaarlugu Naalackersuisunit inassuteqaatit pillugit aalajangiinissani **kinguartippaa**.

Ataatsimiititaliaq sinnerlugu



Paneeraq Olsen

Aningaasaqarnermut Akileraartarnermullu Ataatsimiititaliami Siulittaasoq